



Terenski centar Mostar

Broj:18.10-07.6-533-2/17
Datum: 16.10.2017. godine

**HERCEGOVAČKO-NERETVANSKA ŽUPANIJA/KANTON
GRAĐEVINSKI FAKULTET SVEUČILIŠTA U MOSTAR
MATICE HRVATSKE BB
88 000 MOSTAR**

Predmet : Podatci za studente i profesore- strane državljane, traže se:-

Člankom 70. stavak 5. Zakona o strancima („Službeni glasnik BiH“, br. 88/15), propisano je da su obrazovne ustanove dužne u roku od 30 dana od početka školske, odnosno akademske godine dostaviti Službi podatke o upisanim učenicima, odnosno studentima strancima.

Člankom 21. stavak 2. navedenog Zakona, propisano je da stranci koji su sukladno ovom Zakonu oslobođeni pribavljanja vize za ulazak i boravak u zemlji (bevizni boravak) ukupno u trajanju do 90 dana u bilo kojem razdoblju od 180 dana koje podrazumijeva uzimanje u obzir razdoblje od 180 dana koje prethodi svakom danu boravka, ako nije drukčije određeno međunarodnim ugovorom čija je BiH ugovorna stranka. Stranac koji ima namjeru boraviti u BiH duže od 90 dana u šest mjeseci, ima mogućnost da podnese zahtjev za odobrenje privremenog boravka po nekom od osnova koji su propisani zakonom. Za strane studente navedeni osnov je obrazovanje, s tim što je propisana obaveza pribavljanja određenih dokaza koji su uvjet za odobrenje privremenog boravka po navedenom osnovu. Privremeni boravak se studentima odobrava do jedne godine, odnosno u periodu trajanja akademske godine.

Također, člankom 49. stavak 4. navedenog Zakona propisano je da je i stranac dnevni migrant dužan podnijeti zahtjev za odobrenje ili produženje privremenog boravka na temelju obrazovanja, a u navedenom slučaju stranac-dnevni migrant je izuzet od obveze pribavljanja dokaza o odgovarajućem smještaju.

Kada je u pitanju kategorija profesora stranih državljana člankom 62. stavak (1) navedenog Zakona propisano je da stranac koji namjerava boraviti u BiH s ciljem plaćenog rada, prije ulaska u BiH mora imati radnu dozvolu, koju je izdalo tijelo nadležno za poslove zapošljavanja stranaca u Federaciji BiH, R.Srpskoj i Brčko Distriktu BiH u skladu sa odredbama ovog i drugih zakona u BiH, kojima se uređuju pitanja stranaca, osim kad je ovim Zakonom ili međunarodnim ugovorom čija je BiH ugovorna stranka određeno da radna dozvola nije potrebna za pojedine vrste rada, a člankom 77. stavak (1) točka (b) Zakona o strancima („Službeni glasnik BiH“, br.88/15) propisano je da sveučilišni profesori-strani državljani koji nisu regulirali privremeni boravak na temelju izdate radne dozvole, a koje Sveučilišta u BiH pozovu za predavače, znanstvenici na znanstvenom ili stručnom usavršavanju, znanstvenici koji su predstavnici međunarodnih organizacija, te znanstvenici koji sudjeluju u provođenju znanstvenoistraživačkih projekata važnih za BiH, dužni su da unaprijed osobno ili posredstvom poslodavca pribave Potvrdu o prijavi rada za obavljanje navedenih poslova, koju izdaje organizacijska jedinica Službe prema mjestu obavljanja poslova.

U vezi naprijed navedenog potrebno je da Službi za poslove sa strancima, Terenski centar Mostar, najkasnije do 20.11. 2017. godine, dostavite spisak svih redovitih studenata stranih državljana koji u akademskoj 2017/2018. godini pohađaju vaš fakultet, a koji još nisu okončali studij, kao i profesora stranih državljana koji su angažirani na izvođenju nastave i ocjenjivanju znanja studenata iz pojedinih nastavnih predmeta.

Traženi spisak potrebno je da sadrži minimum podataka i to: ime i prezime, datum rođenja, državljanstvo, broj putne isprave, adresa stanovanja u BiH, godina studija i kontakt telefon, a isti možete dostaviti na fax Terenskog centra Mostar broj 036/316-802 ili putem pošte na adresu: Ministarstvo sigurnosti, Služba za poslove sa strancima, Terenski centar Mostar, ul. Kneza Višeslava bb (zgrada Orca).

Ujedno molimo da dostavite ime, kontakt telefon i e-mail adresu ovlaštene osobe fakulteta sa kojom inspektor može surađivati u vezi bilo kavih nejasnoća sa dostavljenim podacima o redovitim studentima stranim državljanima.

Obzirom da je u prethodnom periodu i nakon upućivanja navedene obavijesti veoma mali broj studenata-stranih državljana u Terenskom centru Mostar regulirao boravak na temelju obrazovanja u BiH, obavještavamo Vas da će službene osobe Ministarstva sigurnosti BiH, Službe za poslove sa strancima, Terenski centar Mostar u narednom periodu prilikom utvrđivanja naprijed navedenih činjenica biti prisiljeni postupati u skladu sa člankom 135. stavak (1) točka b) Zakona o strancima („Službeni glasnik BiH“, br. 88/15), prilikom čega će se prema studentima-stranim državljanima za koje se prilikom kontrole utvrdi da na temelju obrazovanja borave u BiH bez reguliranog boravka, poduzeti zakonom predviđene mjere, odnosno izricanje mjere protjerivanja sa teritorije BiH sa zabranom ulaska od jedne do pet godina, kao i izdavanje Naloga za naplatu novčane kazne u iznosu od najmanje 300,00 KM, a navedene osobe mogu biti zadržane na granici u statusu osobe koja ilegalno boravi u zemlji.

Također, člankom 135. stavak (3) navedenog Zakona propisano je da će se pravna i fizička osoba koja zapošljava stranca koji je izuzet od pribavljanja radne dozvole kazniti novčanom kaznom od 500 KM do 2.000 KM, ako protivno članku 77. (Boravak u svrhu rada bez radne dozvole i potvrde o prijavi rada) stavku (7) ovog Zakona, ne posjeduje primjerak Potvrde o prijavi rada stranca.


Za sve dodatne informacije možete se obratiti na telefone 036/319-118 ili na e-mail: tcmostar@sps.gov.ba.

Također, u vezi naprijed navedenog u prilogu dopisa dostavljamo Vam obavijest koju možete staviti na Oglasnu ploču, ili istu objaviti Vašoj web stranici u cilju upoznavanja studenata stranih državljana o potrebnoj dokumentaciji za odobrenje-produženje privremenog boravka u BiH.

S poštovanjem!

V.D. ŠEF TERENSKOG CENTRA


Stanka Majksner



POTREBNA DOKUMENTACIJA ZA ODOBRENJE – PRODUŽENJE
PRIVREMENOG BORAVKA U BIH STRANIM DRŽAVLJANIMA

OSNOV :REDOVNO VISOKOŠKOLSKO OBRAZOVANJE -čl.55 Zakona o strancima

1. zahtjev za izdavanje odobrenja – produženja odobrenja privremenog boravka u BiH (obrazac preuzeti u TC Mostar)
2. 150 KM administrativne takse za odobrenje – produženje privremenog boravka (UniCredit Bank Mostar 3380002210018390, vrsta prihoda 722191, proračunska organizacija 0923999, broj proračunskog obveznika sve upisati broj 1, poziv na broj sve upisati broj 0, općina 180)
3. jedna fotografija formata 35x45 mm (samo za odobrenje privremenog boravka)
4. ovjerena fotokopija pasoša/putovnice x2 - (stranica sa generalijskim podacima, posljednji ulaz u BiH, viza za dugoročni boravak viza «D» BiH)- čiji rok važenja pasoša treba biti duži najmanje tri mjeseca od perioda na koji se traži odobrenje privremenog boravka,
5. fotokopija obrasca(kartona) prijave boravka stranca (samo kada se predaje zahtjev za odobrenje privremenog boravka),
6. fotokopija posljednjeg rješenja o odobrenom privremenom boravku i naljepnice odobrenja privremenog boravka -(samo kada se predaje zahtjev za produženje privremenog boravka)
7. dokaz o obezbjedjenom smještaju u BiH (dokaz o posjedovanju nekretnine -kuće ili stana, ugovor o zakupu kuće ili stana-ovjeren kod nadležnog organa uprave, **izjava stranodavca kod kojeg stranac ima obezbjeđen smještaj kojom daje saglasnost za korištenje stambenog prostora sa dokazom o vlasništvu stambenog prostora- ovjerena kod organa uprave,**
8. ljekarsko uvjerenje iz kojeg je vidljivo da stranac ne boluje od bolesti koja predstavlja prijetnju javnom zdravlju u BiH, koje ne može biti starije od 90 dana u vrijeme podnošenja zahtjeva, ovlaštene zdravstvene ustanove za obavljanje ljekarskog pregleda na području nadležne općine (Dom zdravlja Mostar, Dom zdravlja Neum, Dom zdravlja Čapljina, Dom zdravlja Čitluk, Dom zdravlja Konjic.....) ukoliko stranac podnosi zahtjev za produženje privremenog boravka izuzet je od pribavljanja ljekarskog uvjerenja
9. dokaz o posjedovanju sredstava za izdržavanje za tekuću akademsku godinu u iznosu od 400,00 KM mjesečno ili pisanu izjavu državljanina BiH, stranca sa odobrenim privremenim ili stalnim boravkom u BiH kojom potvrđuje izdržavanje za vrijeme namjeravanog boravka uz dokaz o stalnom izvoru prihoda ili drugom izvoru finansiranja
10. potvrda – uvjerenje da se protiv stranca ne vodi krivični postupak i potvrda – uvjerenje da stranac nije kažnjavan za krivično djelo koju izdaje nadležni organ države, gdje stranac ima uobičajeno mjesto boravka, (original ili ovjerena fotokopija) koje ne mogu biti starije od 6 mjeseci, ovaj dokaz se ne dostavlja za maloljetnike starosne dobi do 14 godina
11. dokaz da se ne vodi krivični postupak izdat od strane nadležnog organa u BiH, najkasnije šest mjeseci prije podnošenja zahtjeva (navedeni dokaz je potreban samo ukoliko stranac podnosi **zahtjev za produženje privremenog boravka**),
12. potvrda o upisu na visokoškolsku ustanovu u BiH ili potvrda da stranac dolazi u okviru **razmjene studenata**, odnosno mobilnosti mladih, ako po tom osnovu upisuje visokoškolsko obrazovanje
13. dokaz o obezbjedjenom zdravstvenom osiguranju u BiH

Sva strana dokumenta moraju biti prevedena na jedan od jezika koji su u službenoj upotrebi u BiH.

VAŽNE NAPOMENE iz Zakona o strancima («Službeni glasnik BiH», broj 88/15)

I ROKOVI ZA PODNOŠENJE ZAHTJEVA ZA :

1.Odobrenje privremenog boravka:

Član 82 stav 4. Zakona : Zahtjev za odobrenje prvog privremenog boravka... podnosi se najkasnije 15 dana prije isteka roka važenja vize za dugoročni boravak (viza „D“), odnosno bezvизnog boravka.

2. Produženje boravka:

«Član 82. stav 5. Zakona: «Zahtjev za produženje boravka podnosi se u BiH nadležnoj organizacionoj jedinici Službe direktno, a izvan BiH preko DKP BiH. Zahtjev se podnosi najranije 60 dana a najkasnije 15 dana prije isteka perioda boravka».

II USLOVI ZA PRODUŽENJE ODOBRENJA PRIVREMENOG BORAVKA

Član 48. stav 5. Zakona «Produženje privremenog boravka može se odobriti na zahtjev stranca, ali samo po istom osnovu po kojem mu je odobren privremeni boravak čije produženje traži».

Član 55. stav 3. Zakona « Nakon isteka roka propisanog za trajanje redovnog visokoškolskog obrazovanja, privremeni boravak po osnovu obrazovanja može se produžavati najduže dvije godine, uz dostavljanje dokaza o obnovi godine.

Za više informacija stranac može koristiti web stranicu Službe za poslove sa strancima na adresi :
www.sps.gov.ba.